



Universitätsbibliothek Paderborn

**Sapientissima Dei Mvndvm Regentis Gvbernatio; Ex qua
pendent, quæ vulgò in Casv, Fortvna, Fato, Esse Pvtantvr**

Stengel, Georg

Ingolstadii, 1645

§. 4. Patientia lobi à Deo se percussum agnoscentis.

[urn:nbn:de:hbz:466:1-52314](https://nbn-resolving.de/urn:nbn:de:hbz:466:1-52314)

§. IV.

Patientia Iobi à Deo se percutsum agnoscens.

Iob etiam ab iracunda vxore, tanquam à Furiarum aliqua, vt se contraheret, &, tanquam miserum tragicè ludentis Fortune mancipium, in cælum fureret, non passus est, se loco moueri, sed perstiterit, vt columna: cùmque & illa persisteret in eo incitan-

Iob. 2. 9: do, diceréisque: *Adhuc tu permanes in simplicitate tua? benedic Deus, & morere: respódit: Quasi una de stultis mulieribus locuta es. Si bona suscepimus de manu Dei, mala quare non suscipiamus? In omnibus his, non peccauit Iob labijs suis.* Quare? quia vidit, mala se sua de manu Dei suscepisse, à quo castigari, est amari. Vnde & alibi ait: *manus Domini tetigit me; manus utique bona, & benigna etiam in malis, si ea, tanquam à Deo, & non tanquam ab homine, aut diabolo, illata patienter suscipiantur.* Considera mihi S. Iob, ait idem supra laudatus Pater, qui perfusus erat ulceribus, & concutiebatur omnibus membris, & plenus erat totius corporis sui doloribus, glebas terre vulnerum suorum sanis & humore resoluens, quemadmodum cum se in hoc corpore positus reclinare non posset, requi-

Iob. 19.

21.

S. Ambr.
in tract.
de secun-
da inter-
pellat.
Dauid.

c. 4.

em

em mortis innenerit: ideoq; conscius sui dixit: Mors requies viro. Is igitur in plaga non mortuus est, nec nutauit sermonis sui labrico, qui in omnibus illis, non peccauit labijs suis, sicut scriptura testatur: sed magis plaga sua reperit firmamentum, per quam confirmatus in Christo est. Ergo & Job, & David, quia hic flagellati sunt, firmamentū habuerunt in plaga sua, quia flagellat pater filium, quem recipit. Qui autem hic non flagellantur, ibi non suscipiuntur ut filij. Ideoq; in laboribus hominum non sunt, & cum hominibus non flagellabuntur, ut in perpetuo, cum diabolo flagellentur. Ideò obtinuit, eos superbia, cooperti sunt iniquitate & impietate sua.

§. V.

*Aduersæ Fortunæ summatim octo remedia
recensentur.*

Primum ergo ac palmariū aduersæ *Fortunæ* remedium (de quo etiam supra dixi) est, si consideres, esse illam à Deo, esse ab amante, esse à patre. At quidquid à patre est, gratum; quidquid ab amante, amabile; quidquid à Deo, optimum est, etsi malum putetur. Alterum remedium est, quia, ex aduersa *Fortuna*, indicium habetur paternæ curæ, filium castigantis. Malis,

K 3 ple-